



Uunga Inatsisartunut ilaasortaq, Jens Napätök', Partii Naleraq

§ 37 naapertorlugu anniarpallaarunnaarsitsiniarluni katsorsaaneq pillugu apeqqummut akissut

28-06-2019
Suliap nr.2019-14782
All. nr. 11020490

Inatsisartunut ilaasortaq Jens Napätök', Partii Naleraq, § 37 naapertorlugu anniarpallaarunnaarsitsiniarluni katsorsaaneq pillugu apeqquteqartoq Naalakkersuisup qutsavigaa.

Postboks 1160
Oqarasuaat: 34 50 00
Fax1: 34 55 05
3900 Nuuk

Email: pn@nanoq.gl
www.naalakkersuisut.gl

- 1. Qanoq Naalakkersuisut inuup inuuneranik nalittorsaaniarluni aammalu Kalaallit Nunaanni nappaassuarmik kræftimik eqqugaasimasut katsorsarniarlugit pilersaaruteqartoqarpa?**

Ataani akissutit takukkit.

- 2. UKA2015-imi nalunaarusiami "Napparsimasunut inuunermut navianartorsiortitsisumik nappaateqartunut (piartuutaasup ersiutaanik) nipaallisaanissamik piginnaasaasalu kingumut pilersinnissaannut periarfissat" 2019-imi akit malillugit qanoq akeqarpa?**

Akit nalunaarusiami "Napparsimasunut inuunermut navianartorsiortitsisumik nappaateqartunut (piartuutaasup ersiutaanik) nipaallisaanissamik piginnaasaasalu kingumut pilersinnissaannut periarfissat" 2019-imi akinut naleqqussarneqarsimangillat, 2015-imi akit tunngavigalugit naatsorsorneqarnikuullutik. 2019-mi akinut aningaasarsianullu iluarsineqarpata akit 5,14 procentimik qaffasinnerussapput.

- a) Hospice-mik sanaartorneq aamma piartortup katsorsarneqarnerani, kiisalu ilinniartitaaneq aamma inatsisitigut misissuineq qanoq 2019-imi akit malillugit akeqassava?**

2019-imi akit naapertorlugit anniarpallaarunnaarsitsiniarnermut immikkoortortaqaqimmik DIN-imut atasumik sanaartorneq 70 mio. kr.-inik sanaartornermut aningaasartuutaassaaq. Peqqinnissaqarfiup Qullersaqarfiata erseqqissaatigaa anniarpallaarunnaarsitsiniarnermut immikkoortortaqaqimmik / piartortunut illumik ingerlatsinissaq Peqqinnissaqarfiup aningaasaqarnikkut sinaakkutissaata iluani periarfissaanngitsoq. Tamatuma saniatigut Peqqinnissaqarfiup sulisussarsiornikkut unaminartorsiornera piartortunut illup/immikkoortortaqaqarfiup aalajangersimasunik atorfilinnik inuttaqartinnissaa ajornakusuussaaq, minnerunngitsumillu napparsimasut anniarpallaarunnaarnissamat katsorsarneqartussat Nuummut unitsikkiartorneqartarnerat ilaqutaasunut akisoorujussuusussaaq. Inuunermi piffissami kingullermi ilaqtatt ilaginissaat pingaaruteqartorujussuuvoq.

Peqqinnissaqarfiup Qullersaqarfiata anniarpallaarunnaarsitsiniarlutik katsorsaasartut angalasartoqatigiit nalunaarusiami "Napparsimasunut inuunermut navianartorsiortitsisumik nappaateqartunut (piartuutaasup ersiutaanik) nipaallisaanissamik piginnaasaasalu kingumut pilersinnissaannut periarfissat" 2015-imeersumi eqqaaneqartut atorluarneqarnerusinnaasutut isigaa, tamatumunngalu tunngatillugu akissarsianut aningaasartuutit, angalanermut aningaasartuutit, sulisunut inissiat allaffissornerlu ukiumut 4,5 mio. kr.-inik akeqassasoq naatsorsorneqarpoq. Peqqinnissaqarfiup Qullersaqarfiata erseqqissaatigissavaa naatsorsuut tamanna nalorninarqarmat, atorfiit sulisunik aalajangersimasumik atorfilinnit inuttalernerqarsinnaanersut aningaasartuutitut apeqqutaassamat.

Ilinniartitaanermut tunngatillugu 2015-imi nalilernerqarpoq aallartisaanermi anniarpallaarunnaarsitsiniaanermut piginnaanngorsaaqqiinemullu ilinniartitaanermut 2 mio. kr.-inik tamatumalu kingorna ukiumut 1 mio. kr.-inik immikkoortitsisoqartassasoq. Naatsorsuutitut taakkununga sammisasaqartitsinerup annertussusaa toqqarneqartoq kiisalu aalaakkaasunik aalajangersimasunik sulisoqarnersoq, imaluunniit nutaanik akulikitsumik ilinniartitsisoqartassanersoq, aalajangiisuussapput. Taamaattumik naatsorsuutitut tunngatillugu arlalinnik nalorninarqarpoq.

**3. Naalackersuisoq KNR-imut ullaakkut radiomi juunip 13-ani 2019
Kangerlussuarmi nappaassuaq pillugu ataatsimiittoqarnerani oqarpoq,
Naalackersuisut Kalaallit Nunaanni piartortunut suliniutinik suliaqarlutik.**

a) Suunuku suliniutit eqqartorneqartut?

Kommuneqarfiup Sermersuup aamma Dronning Ingridip Nuummi Peqqissaaviata akornanni peqqinnissaq pillugu isumaqatigiissummut atatillugu ininik anniarpallaarunnaarsitsiniarnermut atorneqartussanik Nuummi innuttaasunut pilersitsisoqarsinnaaneranik misissuisussanik suleqatigiissitanik ataatsimoorussanik pilersitsisoqarpoq. Inuunermi piffissami kingullerni napparsimasup qanigisaatalu sapinngisamik pitsaanerpaamik inuuneqarnissaasa siuarsarnissaat siunertaavoq.

**b) Qaqugu Naalackersuisut eqqarsaatigaat misissuinerit
naammassineqassasut?**

Suleqatigiissitat naatsorsuutigaat ukiap ingerlanerani suliamik inernerannik tunniussinissartik.

Inussiarnersumik inuulluaqqusillunga
Med venlig hilsen

Martha Abelsen